


ԳԵՎՈՐԳ ԲԱԳՐԱՏԻ ՂԱՐԻՔՋԱՆՅԱՆ

Հայ պամագիտությունն ու հասարակագիտությունը մեծ կո-
րուստ կրեցին. կյանքի ութսուններորդ տարում վախճանվեց Հայաստանի
Հանրապետության Գիտությունների ազգային ակադեմիայի ակադեմիկոս,
գիտության վաստակավոր գործիչ, ՀՀ ԳԱԱ դիտական տեղեկատվության
կենտրոնի տնօրեն Գեորգ Բագրատի ՂարիքՋանյանը:



Գիտնականը ծնվել է
1920 թ. մայիսի 5-ին, Ալեք-
սանդրապուլում (այժմ Գյումրի),
ճանաչված հասարակական-քա-
ղաքական գործիչ Բագրատ Ղա-
րիքՋանյանի ընտանիքում: Մին-
չև 1935 թ. սովորել է տեղի գա-
բոցում, իսկ 1935-1937 թթ.
Երևանի Կրուպսկայայի անվան
միջնակարգ դպրոցում, որն
ավարտելուց հետո ընդունվել է
ավարտել է Երևանի պետական
համալսարանի պատմության
ֆակուլտետը:

Հայրենական պատերազ-
մի առաջին իսկ օրերից Գ. Ղա-
րիքՋանյանը զորակոչվել է խոր-
հրդային բանակ և մասնակցել
Արևմտյան ռազմաճակատում
մղված մարտերին: Հայրենական
պատերազմի ավարտից հետո ըն-
դունվել է համալսարանի ասպի-
րանտուրա և 1948 թ. պաշտպա-

նել է թեկնածուական, իսկ 1955 թ. դոկտորական տեղախոսություններ,
վեր հանելով մեր ժողովրդի պատմության համար բախտորոշ մի ժամանա-
կաշրջանի հասարակական-քաղաքական նկարագրի ծալքերն ու հատկա-
նշական կողմերը՝ պատմագիտական ուրույն և նորովի մոտեցմամբ: Գ.
ՂարիքՋանյանը միաժամանակ կոմերիտական, կուսակցական և գիտական
պատասխանատու աշխատանքներ է վարել, այդ թվում՝ ՀԿԿ Լենինականի
քաղկոմի առաջին քարտուղար, ԽՄԿԿ ԿԿ առընթեր մարքսիզմ-լենինիզմի
ինստիտուտի հայկական մասնաճյուղի տնօրեն, ՀՀ ԳԱԱ պատմության և
տնտեսագիտության ռաժանմունքի ակադեմիկոս-քարտուղար, Ակադեմիա-
յի նախագահության անգամ և 1985 թ. մինչև այժմ գլխավորում էր ԳԱԱ
գիտական տեղեկատվության կենտրոնը: Նրա ղեկավարությամբ կենտրո-
նը իր շոշափելի նպաստն է բերել Հայագիտության զարգացմանը՝ հայրե-
նիքում և արտասահմանում գիտական ուղղությունների շիջման և փոխ-
ազդեցության տեսակետից՝ ի շահ առհասարակ Հայագիտության հեղինա-
կության: Ակադեմիկոս Գ. ՂարիքՋանյանը մեծ ծառայություններ ուներ
գիտական կազմեր պատրաստելու գործում: Ակնառու էր նրա դերը նաև
Հասարակական գիտությունների հետազոտությունների ուղղությամբ: Գ.
ՂարիքՋանյանի գրչին են պատկանում շուրջ 400 գիտական աշխատու-
թյուն և հրապարակախոսական հոդվածներ, մասնավորապես՝ 75 գիրք նոր
և նորագույն շրջանի պատմության, Հայ ազգային-ազատագրական և հե-

դափնեկական շարժումների, Հայոց ցեղասպանության վերաբերյալ: Վերջին տարիներին հրատարակվել են նրա «Հայ ժողովրդի աղատագրական պայքարը XIX դարի վերջին և XX դարի սկզբին», «Ակնարկներ Հայ-բուլղարական բարեկամության պատմության», «Ավարայրից մինչև Սարդարապատ», «Ժողովրդական հերոս Անդրանիկ», «Հայոց ցեղասպանությունը և համաշխարհային հասարակայնությունը», «Եջեր Հայ ժողովրդի պատմությունից», «Վարք մեծաց», «Վիկտոր Համբարձումյան. Կյանքի և գործի համառոտ ակնարկ» և այլ մենագրություններ, որոնք աչքի են ընկնում ժամանակի իրադարձությունների խոր վերլուծությամբ և լայն ընդհանրացումներով: Հեղինակի աշխատությունները տպագրվել են նաև մի շարք օտար լեզուներով, որը նրան ճանաչում է բերել ազգային շրջանակներից դուրս:

Գ. Ղարիբջանյանը մարտական և աշխատանքային ծառայությունների համար պարգևատրվել է կառավարական 30 շքանշաններով և մեդալներով:

Գևորգ Ղարիբջանյանի՝ անկեղծ ու անմիջական մարդու, հայրենասեր գիտնականի, հասարակական գործչի, բարյացակամ անձնավորության հիշատակը կհարատևի նրա գործերում և իրեն անկեղծորեն գնահատողների շրջանում:

ՀՀ Գիտությունների ազգային ակադեմիա

Երևանի պետական համալսարան

ՀՀ «Գիտելիք» գիտալուսավորչական
սոցիալիզմ